

**ZAKON  
O IZMJENI KRIVIČNOG ZAKONA BOSNE I  
HERCEGOVINE**

Član 1.

U Krivičnom zakonu Bosne i Hercegovine ("Službeni glasnik BiH", br. 3/03, 32/03, 37/03, 54/04, 61/04, 30/05, 53/06, 55/06, 32/07 i 8/10) član 202. mijenja se i glasi:

"Finansiranje terorističkih aktivnosti

Član 202.

- (1) Ko na bilo koji način, neposredno ili posredno, dâ, prikupi ili na drugi način osigura sredstva s ciljem njihove upotrebe ili znajući da će biti upotrijebljena, u cjelini ili djelimično, za izvršenje nekog od krivičnih djela iz čl. 191. (Uzimanje talaca), 192. (Ugrožavanje lica pod međunarodnom pravnom zaštitom), 194. (Neovlašteno pribavljanje ili raspolaganje nuklearnim materijalom), 194.a (Ugrožavanje nuklearnog objekta), 196. (Piratstvo), 197. (Otmica aviona ili broda ili zauzimanje fiksne platforme), 198. (Ugrožavanje sigurnosti zračne ili morske plovidbe ili fiksni platformi), 199. (Uništenje i uklanjanje znakova koji služe sigurnosti zračnog saobraćaja), 200. (Zloupotreba telekomunikacionih znakova), 201. (Terorizam), 202.a (Javno podsticanje na terorističke aktivnosti), 202.b (Vrbovanje radi terorističkih aktivnosti), 202.c ovog zakona (Obuka za izvođenje terorističkih aktivnosti) ili svakog drugog krivičnog djela koje može prouzrokovati smrt ili težu tjelesnu povredu civila ili lica koje aktivno ne učestvuje u neprijateljstvima u oružanom sukobu, kada je svrha takvog djela, po njegovoj prirodi ili kontekstu, zastrašivanje stanovništva ili prisiljavanje organa vlasti Bosne i Hercegovine ili drugih vlasti ili međunarodne organizacije da nešto učini ili ne učini, bez obzira na to da li su terorističke aktivnosti izvršene i da li su sredstva korištena za izvršavanje terorističkih aktivnosti, kaznit će se kaznom zatvora od najmanje tri godine.
- (2) Kaznom iz stava (1) ovog člana kaznit će se ko na bilo koji način, neposredno ili posredno, dâ ili prikupi ili na drugi način osigura sredstva:
- a) s ciljem da se ona, u potpunosti ili djelimično, upotrijebe u bilo koju svrhu od terorističkih organizacija ili pojedinačnih terorista, ili
  - b) znajući da će, u potpunosti ili djelimično, biti upotrijebljena za izvršenje krivičnih djela iz stava (1) ovog člana od terorističkih organizacija ili pojedinačnih terorista.
- (3) Prikupljena sredstva namijenjena za izvršenje ili nastala izvršenjem krivičnog djela iz stava (1) ovog člana bit će oduzeta.
- (4) Sredstvima iz st. (1) i (2) ovog člana smatraju se sredstva svake vrste, bilo da se sastoje u stvarima ili pravima, bilo materijalna ili nematerijalna, pokretna ili nepokretna, bez obzira na to kako su stečena te pravni dokumenti ili instrumenti u svakom obliku, uključujući i elektronske ili digitalne, koji dokazuju vlasništvo ili pravo vlasništva nad imovinom, uključujući, ali ne ograničavajući se na bankarske kredite, putničke čekove, bankarske čekove, novčane naloge, udjele, vrijednosne papire, obveznice, mjenice i kreditna pisma."

Član 2.

Ovaj zakon stupa na snagu osmog dana od dana objavljivanja u "Službenom glasniku BiH".

Broj 01.02-02-1-4/15  
11. marta 2015. godine

Sarajevo

Predsjedavajući  
Predstavničkog doma  
Parlamentarne skupštine  
**Šefik Džaferović, s. r.**

Predsjedavajući  
Doma naroda  
Parlamentarne skupštine BiH  
**Bariša Čolak, s. r.**

Na temelju članka IV. 4. a) Ustava Bosne i Hercegovine, Parlamentarna skupština Bosne i Hercegovine, na 2. sjednici Doma naroda održanoj 5. ožujka 2015. godine i na 8. sjednici Zastupničkog doma održanoj 11. ožujka 2015. godine, usvojila je

**ZAKON  
O IZMJENI KAZNENOG ZAKONA BOSNE I  
HERCEGOVINE**

Članak 1.

U Kaznenom zakonu Bosne i Hercegovine ("Službeni glasnik BiH", br. 3/03, 32/03, 37/03, 54/04, 61/04, 30/05, 53/06, 55/06, 32/07 i 8/10) članak 202. mijenja se i glasi:

"Financiranje terorističkih aktivnosti

Članak 202.

- (1) Tko na bilo koji način, neposredno ili posredno, dâ, prikupi ili na drugi način osigura sredstva s ciljem njihove uporabe ili znajući da će biti uporabljena, u cjelini ili djelimično, za počinjenje nekog od kaznenih djela iz čl. 191. (Uzimanje talaca), 192. (Ugrožavanje osoba pod međunarodnom pravnom zaštitom), 194. (Neovlašteno pribavljanje ili raspolaganje nuklearnim materijalom), 194.a (Ugrožavanje nuklearnog objekta), 196. (Piratstvo), 197. (Otmica zrakoplova ili broda ili zauzimanje fiksne platforme), 198. (Ugrožavanje sigurnosti zračne ili morske plovidbe ili fiksni platformi), 199. (Uništenje i uklanjanje znakova koji služe sigurnosti zračnog prometa), 200. (Zloupotreba telekomunikacijskih znakova), 201. (Terorizam), 202.a (Javno poticanje na terorističke aktivnosti), 202.b (Vrbovanje radi terorističkih aktivnosti) i 202.c (Obuka za izvođenje terorističkih aktivnosti) ovoga zakona ili svakog drugog kaznenog djela koje može prouzročiti smrt ili težu tjelesnu ozljedu civila ili osobe koja aktivno ne sudjeluje u neprijateljstvima u oružanom sukobu, kada je svrha takvoga djela, po njegovoj naravi ili kontekstu, zastrašivanje stanovništva ili prisiljavanje tijela vlasti Bosne i Hercegovine ili drugih vlasti ili međunarodne organizacije da nešto učini ili ne učini, bez obzira na to jesu li terorističke aktivnosti izvedene i jesu li sredstva korištena za izvođenje terorističkih aktivnosti, kaznit će se kaznom zatvora od najmanje tri godine.
- (2) Kaznom iz stavka (1) ovoga člana kaznit će se tko na bilo koji način, neposredno ili posredno, dâ ili prikupi ili na drugi način osigura sredstva:
- a) s ciljem da ih, u cijelosti ili djelomično, terorističke organizacije ili pojedinačni teroristi uporabe za bilo koju svrhu ili